



KABINET PREDSJEDNIKA I POTPREDSJEDNIKA

Broj: 01-4-01-4-611/2026

Sarajevo, 5.5.2026. godine

PREDMET: Poziv za proizvođače i prerađivače hrane iz Bosne i Hercegovine za zajedničko izlaganje kompanija iz Zapadnog Balkana na međunarodnom sajmu hrane „Global Food EXPO“ u Varšavi (Poljska)

Poštovani,

Komorski investicioni forum Zapadnog Balkana (WB6 CIF) poziva mala i srednja preduzeća (MSP) iz Bosne i Hercegovine da učestvuju u zajedničkoj delegaciji Zapadnog Balkana od 30 odabranih kompanija koje će izlagati na sajmu „Global Food EXPO 2026“ u Varšavi (Poljska) od 17. do 19. novembra 2026. godine.

Međunarodni sajam „Global Food EXPO“ je relativno nov, ali brzorastući međunarodni sajam hrane i prehrambene industrije koji se održava u Poljskoj. Sajam je zamišljen kao platforma koja povezuje cijeli prehrambeni sektor – od proizvodnje do distribucije i HoReCa segmenta i izvrsna je prilika za kompanije iz Bosne i Hercegovine da predstave svoje proizvode, istraže nove izvozne mogućnosti, ojačaju postojeće i uspostave nove poslovne veze sa partnerima iz Poljske, zemalja centralne i istočne Evrope, kao i partnerima iz zemalja Zapadnog Balkana. Prošlogodišnje izdanje sajma je okupilo preko 240 izlagača iz više od 20 zemalja sa preko 10.000 posjetilaca.

Šta odabrane kompanije dobijaju besplatno od ovog programa?

- Zajedničko izlaganje i učešće na Međunarodnom sajmu „Global Food EXPO“ u Varšavi od 17. do 19. novembra 2026. godine;
- Mogućnost predstavljanja proizvoda i usluga na zajedničkom štandu KIF ZB6 tokom sajma (uzorci proizvoda i štampani promo-materijali, bez roll-up banera);
- Mogućnost predstavljanja proizvoda i usluga u konferencijskoj sali u toku održavanja Sajma;
- Učešće u događaju zajedničkog umrežavanja svih kompanija i dodatnih potencijalnih poslovnih partnera sa Zapadnog Balkana i inostranstva;
- Hotelski smještaj, 4 noći za 1 osobu (koja govori engleski jezik) iz Vaše kompanije. Lokalni prevoz u Varšavi na relaciji aerodrom-hotel i hotel-Sajam (u oba smjera);
- Medijsko izvještavanje - priprema zajedničkog digitalnog kataloga svih kompanija/proizvoda, na osnovu materijala dobijenih od kompanija, i promocija događaja i kompanija/proizvoda kroz prilagođenu promotivnu kampanju.

Kompanije su odgovorne za organizaciju putovanja svojih predstavnika, kao i za prevoz proizvoda/eksponata.

Sajam će se održati u Ptak Warsaw Expo centru, najvećem izložbenom centru u centralnoj i istočnoj Evropi, koji se nalazi otprilike 15 minuta od centra Varšave. Prijava hotelskog smještaja je 16.11.2026.g. a odjava 20.11.2026.g. Kompanije koje se prijavljuju trebaju delegirati predstavnika koji govori engleski jezik.

Kupovinom i pokrivanjem vlastitih putnih troškova, kompanije potvrđuju svoju obavezu da učestvuju. Ovo služi kao garancija organizatoru i u slučaju otkazivanja učešća od strane odabrane kompanije, organizator zadržava pravo da ponudi mjesto drugoj kompaniji.

Kriteriji za odabir će se zasnivati na:

- redovnom plaćanju članarine Vanjskotrgovinskoj/Spoljnotrgovinskoj komori Bosne i Hercegovine,
- ukupnoj vrijednosti izvoza poljoprivredno-prehrambenih proizvoda u posljednje 3 godine, i
- broj izvoznih tržišta kompanije.

Podnosioci prijave moraju biti pravna lica/kompanije sa sjedištem ili registrovane u Bosni i Hercegovini i moraju biti klasifikovani kao malo ili srednje preduzeće registrovano za proizvodnju i/ili preradu hrane.

Prijavu možete podnijeti putem sljedećeg linka:

<https://docs.google.com/forms/d/e/1FAIpQLSeQwYY9jDNOGC6IXpprOf Jlj42gAMKBw y2H wcmXxAttR3gw/viewform>.

Rok za podnošenje prijave je **30. maj 2026. godine do 16:00 sati**. Lista odabranih kompanija bit će objavljena na web stranici WB6 CIF-a do 30. juna 2026. godine. Za sva pitanja ili dodatne informacije, kontaktirajte nas putem e-maila: office@wb6cif.eu i/ili stanislava.perisic@komorabih.ba.

S poštovanjem

PREDSJEDNIK

Ahmet Egrić

